


Candidate Name: _____

Class Adm No

--	--



2014 Preliminary Examination 2

Pre-university 3

H2 MALAY LANGUAGE AND LITERATURE

9558/1

PAPER 1 (Part 2)

3 September 2014

Additional Materials: Answer Paper
 String

3 hours (Part 1 & 2)

ARAHAN

1. Baca arahan yang diberikan dengan teliti.
2. Tulis semua jawapan kamu pada kertas yang diberikan.
3. Tulis nama, kelas dan nombor indeks pada halaman muka ini dan setiap kertas jawapan yang digunakan.

(65 MARKAH)

Arahan : Jawab SEMUA soalan.

Soalan 5 (30 markah)

Baca petikan karangan di bawah ini dengan teliti. Kemudian, jawab soalan-soalan yang mengikutinya.

Satu laporan kajian menyeluruh yang dikeluarkan oleh Panel Antara Pemerintah mengenai Perubahan Iklim (IPCC) menyatakan bahawa suhu dunia yang semakin panas boleh mengakibatkan pelbagai konflik dalam kehidupan manusia. Menurut laporan terbaru itu, perubahan iklim dunia akan memburukkan masalah keselamatan sejagat yang dialami sekarang. Persaingan mendapatkan sumber air, makanan dan tenaga, masalah kebuluran serta keadaan cuaca yang semakin tidak menentu akan menjejaskan kestabilan dunia. Ia boleh mencetuskan perang saudara, persengketaan antara negara dan meruncingkan lagi masalah pelarian. Kesahihan dapatan ini telah banyak dipertikaikan biarpun implikasinya jelas mampu menginsafkan warga dunia tentang peranan yang dapat dimainkan bagi menangani kesan perubahan iklim.

Perubahan iklim dunia juga dilaporkan akan menjejaskan bekalan makanan yang diperlukan bagi menampung kehidupan bersama dan akhirnya menimbulkan pelbagai masalah kesihatan. Keadaan ini diakibatkan oleh ketidakseimbangan ekosistem kehidupan darat dan laut serta kegiatan pertanian yang tidak dapat dijalankan dengan berkesan. IPCC memberikan amaran bahawa matlamat yang ditetapkan para pemimpin sedunia iaitu mengekang suhu sejagat daripada meningkat sebanyak dua darjah Celsius setahun mungkin tidak tercapai. Malah, kenaikan suhu mungkin melebihi empat darjah Celsius setahun.

Seandainya ini berlaku, dunia akan menyaksikan perubahan yang sangat besar pada kegiatan pertanian sebagai sumber ekonomi dan bekalan makanan seharian manusia. Beberapa kawasan yang diduduki manusia sekarang juga berkemungkinan tidak lagi sesuai untuk menampung kehidupan pada masa hadapan. Keadaan ini disebabkan perubahan cuaca yang ekstrem dan kerapnya berlaku hujan lebat, gelombang haba, kemarau dan ribut besar yang mempercepat kenaikan paras laut. Ketidakstabilan keadaan cuaca boleh menjejaskan hasil tuaian ladang-ladang jagung dan gandum di beberapa daerah.

Seperti negara-negara Asia yang lain, Singapura tidak mampu berdiam diri. Keadaan cuaca yang tidak menentu boleh mengakibatkan kerapnya berlaku kebakaran, masalah jerebu dan banjir, selain berpotensi meningkatkan jumlah kes denggi di sini. Menyedari hal itu, Pusat Kajian Iklim Singapura (CCRS) telah memulakan Kajian Perubahan Iklim Negara Singapura. Kajian dua fasa itu bertujuan mendalami lagi pengetahuan tentang perubahan iklim dan kesannya kepada negara agar langkah-langkah kawalan yang lebih berkesan dapat dilaksanakan. Singapura juga telah mengatur langkah untuk menggunakan lebih banyak bahan asli – sumber tenaga lebih bersih dan kurang mengeluarkan karbon – bagi penjaan tenaga setempat. Sektor-sektor perusahaan, binaan, pengangkutan dan perumahan digalakkan agar meninggalkan kebiasaan menggunakan bahan pembakar tradisional seperti minyak. Kesemua ini adalah bagi membantu Singapura mencapai matlamat mengurangkan pengeluaran karbonnya.

Pengguna individu boleh menyumbang ke arah mengurangkan kesan perubahan iklim dengan menyemai sikap lebih bertanggungjawab terhadap kesejahteraan bumi. Kita boleh menggunakan khidmat pengangkutan awam setiap hari ataupun kenderaan jimat minyak bagi mengurangkan masalah kesesakan trafik dan pengeluaran karbon. Kita juga boleh mengurangkan penghasilan sampah dengan mengitar semula barangan terpakai. Usaha kecil tidak sepatutnya diremehkan kerana ia mampu mengurangkan kesan ketidakseimbangan sekitaran. IPCC menegaskan bahawa perubahan iklim berpunca

daripada perbuatan manusia. Justeru, adalah tanggungjawab manusia untuk memperbaiki atau sekurang-kurangnya mengekang kesan keterlanjuran itu.

(dipetik dan diubah suai daripada 'Kajian : Suhu Panas Mampu Cetus Konflik dalam kalangan Masyarakat' oleh Darwis Said, BH, 14 April 2014)

Berdasarkan petikan di atas, jawab soalan-soalan berikut dengan menggunakan ayat-ayat kamu sendiri.

- a) Menurut dapatan kajian IPCC, bagaimanakah kehidupan manusia bakal terjejas akibat meningkatnya suhu dunia?
(6m)
- b) Mengapakah pemimpin-pemimpin dunia perlu komited untuk mencapai matlamat yang telah ditetapkan bagi mengawal kenaikan suhu sejagat?
(6m)
- c) Bagi mengurangkan kesan perubahan iklim ke atas negara ini, usaha Singapura ditumpukan kepada aspek pengetahuan dan pengurangan pengeluaran karbon. Huraikan pernyataan ini.
(6m)
- d) *"Usaha kecil tidak sepatutnya diremehkan kerana ia mampu mengurangkan kesan ketidakseimbangan sekitaran."* Apakah usaha kecil yang dapat dilaksanakan oleh individu?
(6m)
- e) Terangkan maksud perkataan-perkataan berikut menurut konteks petikan yang diberikan :
(6m)
 - i) mengekang
 - ii) ekstrem
 - iii) kesejahteraan

Soalan 6 (15 markah)

Berdasarkan petikan yang diberikan dalam soalan 5, ringkaskan isinya supaya menjadi **tidak lebih daripada 100 patah perkataan.** Seberapa boleh, gunakan ayat-ayat kamu sendiri.

Soalan 7 (10 markah)

Dalam petikan karangan di bawah ini, terdapat 10 tempat kosong. Isi tempat kosong tersebut dengan **sepatah perkataan** yang sesuai, mengikut konteks petikan. Tulis jawapan kamu mengikut susunan perkataan dalam petikan.


Ketawa dan menangis merupakan sebahagian proses semula jadi yang dianugerahkan kepada manusia. Ia begitu sebatih dengan kehidupan sehari-hari __ (a) __ kita kurang memberikan perhatian kepada pelbagai manfaat yang mampu diraih melaluinya. Kedua-dua elemen ini penting kerana ia memberikan manfaat dari segi emosi dan fizikal serta __ (b) __ sistem tersebut dapat berfungsi dengan baik. Ketawa berperanan sebagai __ (c) __ duka. Ketawa juga dapat meredakan rasa marah dan memberikan kesan positif pada __ (d) __ seperti merendahkan tekanan darah, melindungi jantung dan meningkatkan daya ketahanan tubuh manusia untuk melawan penyakit-penyakit berisiko. Kesihatan mental pula mampu dikekalkan apabila masalah berat yang __ (e) __ dapat dilihat dari sudut yang positif dan dijadikan bahan ketawa kita sendiri. Faedah ini jelasnya merupakan sesuatu yang amat penting memandangkan lebih ramai dalam kalangan masyarakat kita hari ini yang menghidap sakit mental akibat kehidupan yang __ (f) __ menekan. Menangis pula seringkali dianggap sebagai suatu kebiasaan bagi golongan wanita tetapi sebaliknya tanda kelemahan bagi __ (g) __. Sebenarnya, menangis bukanlah suatu perkara yang memalukan atau __ (h) __ kelemahan seseorang itu. Individu yang tidak menangis, terutamanya setelah mengalami tragedi seperti kematian atau putus cinta, sebenarnya lebih menderita secara emosi dan fizikal kerana tidak dapat meluahkan keperitan yang dialami __ (i) __ tangisan. Sekiranya bersedih, tiada salahnya kita menangis kerana ia dapat menenteramkan __ (j) __ dan fikiran sebelum meneruskan kehidupan. Maka itu, ketawalah, menangislah.

(dipetik dan diubah suai daripada 'Fungsi Ketawa dan Menangis', ipislam.edu.my)

Soalan 8 (10 markah)


Teliti perangkaan berikut. Kemudian, alih bentuk teks ini menjadi teks prosa dengan menggunakan **80-100 patah perkataan**.

MASALAH HUTANG DALAM KALANGAN PELANGGAN MELAYU



	2011	2012	2013
<i>Purata Umur</i>	39	39	41
<i>Purata Gaji Bersih</i>	\$2,263	\$2,300	\$2,482
<i>Purata Saiz Hutang</i>	\$58,320	\$57,921	\$60,426
<i>Nisbah lelaki : perempuan</i>	60%:40%	67%:33%	60%:40%
<i>Memiliki flat lima bilik ke atas</i>	41.2%	27.2%	28.0%

Perbandingan antara Pelanggan Melayu dengan Bukan Melayu (2011-2013)



	<i>Bukan Melayu</i>	<i>Melayu</i>
<i>Purata Umur</i>	40	40
<i>Purata Gaji Bersih</i>	\$3,015	\$2,369
<i>Purata Saiz Hutang</i>	\$84,708	\$59,043
<i>Purata Bilangan Kreditor</i>	7.2	6.8

Sebab-sebab Pelanggan Melayu Hadapi Masalah Hutang :

Belanja melebihi kemampuan

Perubatan

Biaya ibu bapa

Tujuan Pekerjaan

Ubah elok dan peralatan rumah

Kerugian akibat pelaburan saham

sumber : (disesuaikan) Statistik Pengguguran di Singapura, Kementerian Kesihatan, 2011

SELESAI